

Goccius de Sant'Efis

Rit. PROTETTORI PODEROSU

DE SARDIGNA SPEZIALI

LIBERAINOSI DE MALI

EFIS MARTIRI GLORIOSU.

1 In Elia nascistis
Acanta de Antiochia,
E donau a s'idolatria
Finzas trint'annus bivistis
A su tempu chi movistis
Contra Sardigna orgogliosu. **R**

2 Armau de crudeli zelu
Arribais a Benaventi,
Aundi, accampada sa genti
Os fueddat Deus de su Xelu;
Ponendusi in prus de svelu
Unu raiu e tronu spantosus. **R**

3 A su Imperiu Soberanu
A su tronu, raiu e luxi
Bieis in s'aria una gruxi,
E un'atera in sa manu
Aturdiu a bonumengianu
Partisti meda paurosus. **R**

4 In Gaieta differenti
Tottu giai de su chi fustis
Osi feis unu pagu appustis
Cristianu segretamenti,
Cun tottu s'armada genti
Sigheisi allirgu e gustosus. **R**

5 A s'intrada in Arborea
Incontrastata resistenza,
E bosu cun passienza
Luegu mudastis de idea,
Passendi a fai pelea
A sa Ogliastra carignosu. **R**

6 Capitanu giai valenti
De Deus cun talis azionis
Suggetastis in Nazionis
De sa prus barbara genti:
E de inni gloriosamenti
A Casteddu vittoriosus. **R**

7 Isciendu s'Imperadori
Custa santa mutazioni
Iscriu a os ponni in presoni
Cun ira, rabbia et furori,
Ma s'Angelu de su Signori
Os visitas quidadosus. **R**

8 Giuliu iniquu Presidenti
Cumandat chi a bastonadas
Is palas bostas sagradas
Os seghint in continenti,
E mudu in mesu a sa genti
Sias oggettu bregungiosus. **R**

9 Non cuntentu 'a custas penas
Cussu iniquu Presidenti
Cun puntas de ferru callenti
Os raschait nerbiu et venas
Cun respirus essendu appenas
Su corpu bostu diciosus. **R**

10 Luegu os torrat cun premura
A presoni un'atera borta
Aundi s'Angelu os cunfortat
E de totu giai osi curat
Parendu cussa grutta oscura
Unu Xelu luminosus. **R**

11 Giuliu Prefettu atturdiu
De osi biri aicci sanu
Po chi tenestis prus manu
De s'idolu destrui,
De Sardigna s'est fui
A su istanti timorosus. **R**

12 Su successori Flavianu
Pustis de setti turmentus
Inumanus et sagrientus
Os cundennant po Cristianu
E bosu allirgu e uffanu
Abbrazzais sa morti gustosus. **R**

13 Custu barbaru infiammau
A vista de tanti passienza
Os fulminat sa sentenza
D'essi in Nora degugliu:
E de su Xelu animau
Offreis su zugu preziosus. **R**

Fin. De Casteddu appassionau
Sempri sias difensori
Sighi a essiri intercessori
Efis martiri sagrau.